

captivitate solutos intelligi debere confirmet. Liceat doctissimi viri adscribere verba, quæ sic habent: *Quod Esaias de Christi regno & beneficiis concionetur, ista rationes assignari possunt: Initio quod Propheta hoc carmen cum Superiore capite conjungere videtur. Illud autem omninò de beneficiis Domini & Servatoris nostri JESU Christi intelligendum est. Quis ergò negaverit, ista, quæ in hoc vaticinio continentur, ejusdem esse argumenti? Deinde, qui hîc canunt, nituntur munitione urbis suæ, quæ si externa esset, non posset excusari formula illa laudationis. Nam prohibemur carnem facere brachium nostrum, nec spem collocare in illis præsiidiis, quæ in hominum viribus & munitionibus posita sunt. Laudatur (3.) innocentia civium in hac republicâ: cum autem constet, Judæos, qui ex servitute Babylonica in patriam redierunt, avaritia & concubiis muliercularum alienigenarum se polluisse, ut scriptum est Nehem. c. V. & Esdra c. IX. imò segnes quoq; fuisse in edificando templo & promovendo DEI cultu, quod testatur Haggæus c. I, nemo ista de Hebræis dicta existimet, sed de Christi beneficiis & Ecclesiâ. Cæterum quando Christus h. l. populum vocat suum, attenditur maximè beneficium redemptionis, quod præstiturus erat pro omnibus I. Tim. II, 6. factus ilασμός, pro peccatis mundi I. Joh. II, 2. Susceptis iniquitatibus omnium nostrum, Esa. LIII, 6. factus pro nobis καταργ., Gal. III, 13. & semetipsum tradens pro Ecclesia, ut eam sanctificaret, Eph. V, 25. Imò ille idem est, à quo Ecclesia moriendi felicitatem expectat, unde dicimur, in Domino, cum morimur, beati. Apoc. XIV, 13.*

§. 5. (2.) *Adjunctum* sive *Objectum* percipiendum est ipsa quies beata, seu beatus in morte status, suo modo corpori animæque communis, descriptus tamen per formulas corpori maximè competentes. (Huic enim competit (1.) *transitus in cubicula* per honestam sepulturam.

Nem-